

Ro Ki Yoan Ta Iwe Tel Pa

¹⁻²O Gaius, nio ta aŋwe mboronjan pa lupŋana ki Kriŋi, ta aŋbeede ro ti ima pu.

Pa sua ŋonoono ta ilup ti, mi leleŋ pu ilip kat. Tanata aŋzunzun Anutu be iziiri mete ma imbot molo pu, mibe ipombol uraata ku ta boozomen ma iloondo ambai men, kembei ta kunum tomini imbot ambai. Ŋonoono.

³Toŋmatiziŋ kiti pakan timar mi tisotaara yo pa urum kembei nu kiskis kat sua ŋonoono mi toto ka mbulu. Tana aŋleŋ na, ikam yo ma leleŋ ambai kat. ⁴Pa sombe aŋleŋ kembei lutuŋ bizin ta aŋpaute zin pa Yesu na titoto sua ŋonoono ka mbulu, ina ta ikam yo ma leleŋ ambai ma ilip. Koron toro sa irao ikam yo ma leleŋ ambai ta kembei na som.

⁵O tiziŋ, uraata ku ta kampewe zin toŋmatiziŋ kiti, ina nu motom zze pa mi kamam kat. Ŋonoono, zin pakan na, nu ute zin som. Pa zin kar toro. Tamen tima tipet ku na, nu motom pizin mi mboro kat zin. ⁶Kampejana ku tana, nio aŋute paso, wal tana tomtom kizin pakan timar mi tiso urum lela lupŋana tiam mi amlen. Wal ta kembei, sombe timaŋga mini pa pai, na ambai be re zin pa koron pakan. Mi so uulu zin, na uulu kat zin. Pa ina, zin tikam Anutu runguunu ma timar.^a ⁷Wal ta kembei, zin tizem kar kizin sorok na som. Tikam pa Kriŋi zaana tau. Mi zin tikamam kadoono sa la kizin matan munjan som.^b ⁸Tana iti lende uraata be takam zin wal ta kembei mi tu'uulu zin. Naso itijan takam uraata pa sua ŋonoono.

Mbulu sananŋana ki Diotrepes

⁹Munŋu nio aŋbeede sua pakan pa lupŋana tiom. Tamen Diotrepes ta iserseere be iwe mataana pa lupŋana tiom na, ni itit yam mi ileŋ la kaŋjoyam som. ¹⁰Tana kaimer, sombe aŋma aŋlou yom, tona aŋswe mbulu kini ta boozomen ma ipet mat. Pa ni ininin kao piam, mi iyyo kwoono piam pa sua sananŋan boozomen. Mi ikamam mbulu tina men som. Pa ikamam zin toŋmatiziŋ kiti ma tilala ruumu kini som. Mi zin wal pakan ta tisombe tikam zin, to ni ipetekewe zin, mi iser zin pa lupŋana ki Kriŋi ma timbot mat.

^a 1:6 Tit 3:13 ^b 1:7 Mt 10:8; Ŋgo 20:33,35

Mbulu ambaijana ki Demitrius

¹¹O tiziŋ, mbulu sananjana ta kembena na, to pepe. Kam mbulu ambaijana men. Pa sombe tomtom sa ikamam mbulu kini ma ambai men, ina ni Anutu tomtom kini. Mi sombe tomtom sa inoknok sanaana kamjana, na ni iute Anutu som.^c

¹²Mi Demitrius na, wal boozomen tiwidit uruunu. Pa mbulu kini indendeege men pa sua ŋonoono. Mi niam tomini amwidit uruunu. Mi nu ute: Sua tiam, ina ŋonoono men.

Sua pemetjana

¹³Nio motoŋ iŋgalŋgal sua boozomen tabe aŋso piom. Tamen leleŋ be aŋbeede se ro pepe. ¹⁴Pa iŋgi aŋur motoŋ be molo som, to aŋma aŋre yom. Tonabe itiŋan taparre iti mi toso lende sua.

¹⁵Merere ko imboro u ma mbot ambai men. Ŋonoono.

Toŋmatiziŋ pakan ta niamjan ambotmbot i, tikam aigule kizin pu. Mi nu ta kembena, kam aigule tiam pizin toŋmatiziŋ kiti ta niomjan kombotmbot na. Sinin zin ma timap.

^c 1:11 Mbo 37:27; 1Pe 3:11; 1Yo 3:6+